

Als aber zuvor durch die Wardein/inn ausschlahung der proben/der pligt vnd prandtsilber/gewonlich/von einem stück/nach eines ieden stücks gelegenheit/ein anderthalb vnd bis in zwey lot/vnd noch mehr genumen worden/des sich dann die Bewegkten beschwerdt. Demnach so sol hinfuro/der Wardein alles Silber/so er aus den Pligten aushant/vnnd nach beschehener prob vberbleibt/widerumb zu einem ieden stück legen/dem Zehender zustellen/vnd inn das gewicht einbringen/Damit den Bewegkten/vnbillicher weis hierinnen auch nichts entzogen werde/aber die probörner sollen dem Wardein bleiben/vnd für iede prob der pligt vnd prandtsilber/sol ihme dem wardein/für seine mühe/Sechs weis groschen/Inn massen sich dann hievor/mit ihme darumb vertragen worden/gegeben werden.

Was auch an vberantworten Silber/vber die ausgabe/zunotturfft der Zechen/im Zehenden liegen bleibt/das sol er inn trewlicher verwarung halten/vnd was zur auspente zugeben beschlossen/dem verordneten Austeyler zu ieder Auspent zeit/one seumnus vnd verzugt zustellen.

Der Zehender sol keynem Schichtmeister/noch auff keyne Zech/so Silber bey ihme hat/wochenlich/mehr hinaus geben/dan auff der Zechen notturfft gehörigt/Darüber auch von iedem Schichtmeister/wochenlich einen zettel nemen/darinnen Bergt/vnd Düttenkost/sonderlich wie viel Bley/stücke von stück vorleybet/die vbersehen/vnd do er sich düncken liesse/das zuviel gefordert/mit dem Schichtmeister daraus reden/vnd also mit vleis verhüten/das nichts vnspfeglichs hinaus gegeben/vnnd die Schichtmeister gegen ihren Bewegkten/keyne schulden auff sich laden/Vnd so er das befünde/sol ers vnserm Hauptman/oder Amptsverwalter anzeygen vorpflicht sein.

Dergleichen sol er keine Bewegktschafft/oder Schichtmeister/die keyne Silber im Zehenden haben/ob gleich Ertz am stein oder Silber im werck were/one genugsamen vorstandt/verlegen/damit sol der Zehender seine sache in guter acht haben/das er keyne schulden auff die Zechen mache/dan ihme sol von wegen solcher schulden/zu keiner Zechen/verholffen werden/sondern er sol/die schulden selbst tragen vnd zalen.

Er sol